

REGULAMENTO III LEGUA IRMANDIÑA

VIMIANZO, SÁBADO 17 DE XUÑO DE 2017

1. IDEOLOXÍA

Ao abeiro da festa do *Asalto ao Castelo*, a celebrar no seu día central o sábado 1 de xullo de 2017, XXII edición, organízase esta carreira popular vertebrada co Castelo e cunha distancia baseada nas antigas unidades de medida. Dous anos despois o alento popular cristalizou no clube de atletismo vimiancés Terra de Soneira coorganizador do evento xunto coa A. C. Cherinkas.

Por suposto, a carreira nace imbuída do espírito do Asalto, de tal xeito que a chegada ao Castelo estará ambientada e decorada, máis alá dese momento final monumento e da competición organizada no morrer do día.

Tamén por suposto, todas as idades terán acubillo nas distintas categorías que conforman a carreira.

Alén disto, por segundo ano, contaremos cunha **carreira protagonizada por persoas con diversidade funcional**, co gallo de contribuír a inclusión destas persoas na sociedade.

Os actos da proba concluirán con animación musical no foso do castelo, alén da cerimonia de entrega de premios e do avituallamento líquido e sólido de rigor.

Desde o máis amable ánimo irmandiño convidámosvos a participar e a asaltar ás carreiras o castelo. Arde Soneira!

2. CATEGORÍAS-DISTANCIAS-HORARIOS-PERCORRIDOS

Categorías	Datas nacemento	Categorías	Datas nacemento
Pitufos	(2010-2013)	Cadete	(2002-2003)
Benxamín	(2008-2009)	Xuvenil	(2000-2001)
Alevín	(2006-2007)	Absoluta	(1999 e anteriores)
Infantil	(2004-2005)	Inclusiva	(1999 e anteriores para as persoas con diversidade funcional que así o desexen)

Probas	Horario	Distancia
Irmandiña Pitufos	21:00	100 m aprox.
Irmandiña Benxamín e Alevín	21:15	900 m aprox.
Irmandiña Infantil, Cadete e Xuvenil	21:40	2.000 m aprox.
Legua Irmandiña	22:00	5.500 m aprox.
Carreira Inclusiva	22:00	1.200 m aprox.


Categoría Pitufos –nados entre 2010 e 2013– (aprox. 100 m.): 21h 00´




Categorías Benxamín e Alevín (aprox. 900 m.): 21h 15´



Categorías Infantil, Cadete e Xuvenil (aprox. 2.000 m.): 21h 40'




Carreira Inclusiva (aprox. 1.200 m.): 22h 00'. *Circuíto opcional, variante do circuíto da categoría absoluta.*



Nota ao circuíto da proba inclusiva: a proba remata no castelo, polo que ten algún tramo ascendente. Alén diso, presenta un bordo. As persoas que precisen saber de datos máis específicos deben contactar coa organización.

Categoría Absoluta (aprox. 5.888 m.): 22h 00'



Volta vermella: volta inicial, con saída e paso por diante da praza do concello.

Volta azul: volta final, con meta no Castelo.

ACLARACIÓN Á INSCRICIÓN NAS PROBAS: Ás persoas con diversidade funcional poden inscribirse na carreira inclusiva ou na carreira absoluta, é dicir, a variante curta ou a variante longa, segundo elas prefiran. Do mesmo xeito, ás persoas sen diversidade funcional que así o desexen poden apuntarse á variante/proba que prefiran. De ser menores de idade, poden actuar no mesmo sentido mais tendo en conta o rango de idade no que se moven, de tal xeito que poden optar por inscribirse na proba inclusiva ou na proba da franxa de idade á que pertencen.

3. NORMATIVA XERAL E DE SEGURIDADE

1. Rexerase pola **reglamentación de Seguridade Vial do Estado e da Comunidade Autónoma de Galicia**, que establece os requisitos esixidos para a celebración de probas deportivas na vía urbana (Real Decreto 1428/2003 do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real Decreto 849/1993 do 4 de xuño de 2003, sobre a contratación do seguro de responsabilidade civil e de accidentes).
2. Cada proba estará subscrita ao **seguro de responsabilidade civil** da Asociación Cultural Cherinkas. Tamén contará cun **seguro de accidentes** que terá as coberturas mínimas esixidas no Real Decreto 849/1993.
3. Contará cun **servizo médico-sanitario**, que constará dunha ambulancia e un médico, como proba que non supera os 750 participantes.
4. A organización da proba resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade.

5. No caso de que para o día de celebración da proba se decrete unha **alerta laranxa a proba será suspendida** automaticamente. Buscarase unha data adecuada para desenvolve-la e non se devolverán os cartos da inscrición.
6. Os atletas que durante o transcurso da proba, circulen por fóra do espazo delimitado polos vehículos de sinalización de inicio e fin de carreira, considéranse a todos os efectos usuarios normais da vía.
7. Toda persoa que corra sen estar inscrita, farao baixo a súa responsabilidade e non poderá participar de trofeos nin obsequios. Tampouco estará amparada polos seguros da proba.
8. Debido ao carácter estritamente deportivo e popular da proba non se admitirán reclamacións. A participación é libre e leva implícito a aceptación do Regulamento Xeral da proba. A Comisión Organizadora non se fará responsable dos danos físicos, morais ou materiais que ocasione a participación nesta carreira. O non recollido no mesmo resolverase segundo o criterio da comisión organizadora, sendo as súas decisións inapelables.
9. A organización porá a disposición dos participantes na carreira unha instalación para que se poidan cambiar e duchar, así como un servizo de garda roupa.
10. Os únicos vehículos que poderán seguir a proba, serán os autorizados pola organización.
11. Descualificacións:
 - ✦ O servizo médico da competición está facultado para retirar durante a proba a calquera atleta que manifeste un mal estado físico.
 - ✦ Todo atleta que non realice o percorrido completo.
 - ✦ O atleta que manifeste un comportamento non deportivo ou se reitere en protestas ante a organización.

4. DEREITOS DE IMAXE, USOS DE DATOS E AUTORIZACIÓNS

Os deportistas inscritos comprométese a aceptar estritamente o presente regulamento e calquera posible modificación.

A solicitude de inscrición para os **deportistas menores** de idade ou **con incapacidade xudicial** deberá ir acompañada dunha **autorización paterna** segundo o modelo establecido pola organización. Dito modelo poderase descargar da páxina web www.prueba-t.es ou www.vimianzo.gal.

A realización da inscrición implica ter lido, entendido e adquirido os compromisos que a continuación se expoñen:

- ✦ O atleta inscrito declara que está en bo estado físico e ten pasado os pertinentes recoñecementos de saúde.
- ✦ Calquera atleta con problemas médicos (alerxia, atencións especiais,...) deberá facelo constar no reverso do dorsal da proba.
- ✦ O atleta inscrito autoriza e acepta a publicación do seu nome e apelidos e a súa imaxe nas clasificacións, medios de comunicación e internet, (...) para a promoción do deporte. Calquera persoa inscrita poderá prohibir a utilización da súa imaxe previa solicitude expresa por escrito.

5. SISTEMA DE CRONOMETRAXE, CHIPS E RECOLLIDA DE DORSAIS

- ♦ Para controlar as probas estableceranse controis de cronometraxe por chip. Todas as probas, agás a categoría pitufo, serán cronometradas por prueba-T. A proba de categoría pitufo iniciárase no mesmo punto en que finaliza, isto é, na praza do concello. O resto das carreiras terán a saída na praza do concello e a meta no castelo de Vimianzo.
- ♦ Será obrigatorio o uso de chip para todas as categorías (facilitado pola organización), agás pitufo.
- ♦ Será obrigatorio o uso de dorsal para todas as categorías (facilitado pola organización).
- ♦ O atleta que non porte o chip non poderá entrar na clasificación.
- ♦ O atleta que non porte dorsal poderá ser descualificado se así o estima a dirección de carreira.
- ♦ O **horario de apertura das mesas**: a mesa de recollida de dorsais **abrirá ás 19:30** e estará ubicada na Casa do Concello. Os dorsais e chips poderanse recoller **ata 30 minutos antes do inicio da proba**.
- ♦ A retirada de dorsal e chip (no caso de non posuílo) deberá realizarse como mínimo con 30 minutos de antelación ao inicio da carreira.
- ♦ Os chips son persoais e intransferibles polo que a suplantación da personalidade dos atletas, sancionarase coa descualificación do portador e do/a atleta suplantado, anulando todos os dereitos adquiridos na inscrición.

6. INSCRICIÓN

O prazo de inscrición para todas as categorías pecharase o xoves 15 de xuño ás 23:59h., e non se aceptará ningunha inscrición unha vez rematado dito prazo.

As inscricións para os atletas das categorías absolutas realizaranse a través da páxina web www.prueba-t.es

Cotas de inscrición:

- ♦ 5€ para a categoría absoluta.

Inscricións resto de categorías:

A inscrición para os atletas da carreira inclusiva e de categorías base, dende pitufo a xuvenil, serán gratúitas.

As inscricións para os atletas pitufo, benxamín, alevín, infantil, cadete, xuvenil e inclusiva poderán realizarse a través de:

- 1) Plataforma prueba-T (www.prueba-t.es). A **autorización paterna** deberá imprimirse e ser presentada debidamente cuberta e asinada á hora de recoller os dorsais. Dita autorización poderá ser descargada en www.prueba-t.es ou solicitada a cherinkas@yahoo.es.
- 2) Presentando a **autorización paterna asinada** no Departamento de Deportes do concello de Vimianzo, ou enviando un email ao Departamento de Deportes (deportes@vimianzo.gal) coa autorización paterna cuberta e asinada. Á hora de recoller o dorsal deberá presentarse impresa e asinada dita autorización paterna.

O prazo de inscrición para todas as categorías pecharase o xoves 15 de xuño ás 23:59h., e non se aceptará ningunha inscrición unha vez rematado dito prazo.

7. AGASALLOS

As persoas inscritas con pago de por medio, isto é as categorías absolutas, recibirán un agasallo do Asalto (ata esgotar existencias).

Ao remate da carreira recibirán un avituallamento líquido e sólido.

8. CLASIFICACIÓNS, TROFEOS/MEDALLAS e ENTREGA DE PREMIOS

✦ Clasificacións da proba absoluta e da proba inclusiva:

- Optan a esta clasificación todos os/as atletas participantes na proba.
- Recibirán medalla e subirán ao podio os tres primeiros/as clasificados/as na categoría xeral (os tres primeiros/as que entren na meta).

✦ Clasificacións das probas de base:

- Recibirán medalla e subirán ao podio os tres primeiros/as clasificados/as en cada unha das categorías (benxamín, alevín, infantil, cadete e xuvenil).
- Ademais na categoría pitufo, benxamín e alevín recibirán medalla conmemorativa e/ou premio afín todos os participantes na proba.

✦ Entrega de premios:

- A entrega de premios está prevista para ás 22h 00´ para as categorías inferiores (agás pitufos) e ás 23h 00´ para a categoría absoluta e a inclusiva. A entrega de premios terá lugar no Castelo de Vimianzo, lugar no que se habilitará un podio.

ORGANIZAN

